

Nias - Eheha Fasōndrata Mbuku Ni'amoni'ö - SW Intro Scriptures

Loeka - Luka 17:5 Ba lamane sinenge andrō chō Zo'aja: Dooe'ö wamatima!
Roma 10:17 Tobali moroi ba doeria wamati andrō, ba toeria andrō, ba moroi ba daroma li Keriso.

Loeka - Luka 11:1 Ba i'aloei naha wangandrō ba mangandrō ia. Ba me no ibato, ba imane chōnia nifahaõnia, samōsa: He Toea, fahaõga ba wangandrō, si mane famahaõ Johane nifahaõnia gõi, fõna.

Dimoteo I. - 1 Timoteo 2:1-4 Ba si fõfõna sibai, ba oefarooe dõdõmi ba wangaloeloe ba ba wangandrō, ba ba wangandrō salahi nawõ, ba ba wangandrō saoha gõlõ; mifarahoegõ niha fefoe. 2 Mifarahoegõ razo ba salaõa, fefoe, ena'ö ahono ita, ba ena'ö lõ hadia ia, ena'ö a'oi so wolo'ö chō Lowalangi, awõ wa'amoadoe. 3 Da'ö zi sõchi, da'ö zomasi Lowalangi, sangorifi ja'ita, 4 somasi na ahori te'orifi niha, na dozi lasõndra wa'aboto ba dõdõra zi doehoe.

Zecharia- Zakharia 3:1,2 Ba i'oroma'ö chõgoe Josoea andrō [Jehowa], Josoea ere seboea; fõna mala'ika Jehowa so ia, ba no so ba ngainia Zatana, ba wangadoegoe ja'ia. 2Ba imane Jehowa chō Zatana: Jehowa zangoema'ö chõoe: bõi hedechede, ja'oegõ Satana! Jehowa, si no manoejoe chōnia Jeroezalema, zangoema'ö chõoe: bõi hedechede! Hadia, tengen doedoenga nisõbi ba galitõ da'e?

Efeso 6:12 Tenga sa fasōndrata ba niha wasõndratada, no fasōndrata ba zamatõrō andrō, ba zalaõa andrō, ba zochõ oeli danõ andre, ba zogõmigõmi andre, fasōndrata ba mbechoe si lõ sõchi andrō, ba mbanoea si jaõa.

Efeso 6:10,11 Ba hadia baero õ, ba mi'abõlõ'ö ami, ba chō Zo'aja, ba ba wa'abõlõ wa'abe'enia andrō. 11 Mi'a'aro'ö ami, fangaro andrō, chō Lowalangi, ena'ö abe'e ami, ba wa'oneche Gafõcha andrō.

Efeso 6:13-17 Andrō mihalõ wangaró andrō chō Lowalangi, ena'ö tola milaõa, na baõa si lõ sõchi, ba ena'ö tola mi'asiwai fefoe hadia ia, ba ena'ö mõna ami. 14 Ba mi'abe'e'ö ami, bõbõ lõwilõwimi zi doehoe, ba õrõbami wa'atoelõ dõdõ, 15 badagahe ba gahemi wa no mifa'anõ ami, ba wangombacha toeria somoeso dõdõ andrō, ba wa'atoelõ. 16 Ba awõ da'ö fefoe, ba mihalõ mbaloese famati andrō, si tola mibe'e fangokafoe nono wana Gafõcha andrō, so'alitõ; 17 ba mihalõ detenaoeloe fangorifi andrō, awõ wõda Geheha andrō taroma li Lowalangi.

Heberaio 4:12 Saoeri sa daroma li Lowalangi andrō, ba sabõlõ, ba no atarõ, moroi ba gari si faoma bawa, ba isõsõ, iroegi ifabali ira noso geheha, ba boe'oe ba oeto, ba ihoekoe gera'era dõdõ, ba sõndra dõdõ,

Loeka - Luka 4:8 Ba itema linia Jesoe, imane chōnia: No so ba zoera: "Chō Zo'aja ja'oegō mangaloeloe ndra'oegō, ba ha ja'ia ūfosoemange."

Efeso 6:18 Fefoe hadia ia ngawalō wangandrō, awō ngawalō wakaosa, milaoe, bōi mifamalōmalō, soroi ba Geheha ba bōi mifōrōfōrō ba da'ō, ja'a'oi so wa'anaoe gōlō, awō wangandrō, salahi ni'amoni'ō andrō fefoe,

Zamueli I. - Zamoeeli I. si Fōfōna 17:45-47 Ba imane Dawido chō Ndrawa Wilisiti andrō: Ja'oegō, ba solohe sī'ōli ba toho ba dange, wamaondragō ja'odo, ba ja'o, ba ba dōi Jehowa ngahōnō mōido chōoe, ba dōi Lowalangi zabōlō Ndraono Gizeraëli andrō ni'o'ajamō: 46 ma'ōchō andre ibe'e ba dangagoe ndra'oegō Jehowa ba oeboenoe ndra'oegō ba oe'eŵa mbagioe, ba botooe ba boto zabōlō Ndrawa Wilisiti andrō, ba ma'ōchō oebe'e ū wofo ba daloe mbanoea ba ū goetoe ndroe'oe ba danō, ena'ō aboto ba dōdō niha ba goeli danō fefoe, so Lowalangi Ndraono Gizeraëli, 47 ba ena'ō la'ilā dozi si so ba da'e, tenga sī'ōli ba tenga toho ibe'e fangorifi niha Jehowa; chō Jehowa sa wasōndrata andrō, ba ja'ia zame'e ba dangama ja'ami.

Loeka - Luka 10:17-20 Ba mangawoeli zi fitoe ngafoeloe no mege, omoeso dōdōra, lamane: He Toea, bechoe gōi, no la'o'ō lima, ba dōimō andrō. 18 Ba imane chōra: No oe'ilā Zatana andrō, saechoe tooe moroi ba mbanoea si jaŵa, hoelō gari mbanoea. 19 Hiza no oetehe chōmi mihoendragō goelō ba tongo ba milaŵa wa'abōlō nemali andrō fefoe, ba lō'ō manō te'ala ami. 20 Ba bōi da'ō mibe'e fa'omoeso dōdōmi, wa no la'o'ō limi bechoe andrō; da'ō mibe'e fa'omoeso dōdōmi, wa no moetanō dōimi ba zoera, ba zoroego.

Gorindro II. - 2 Korindro 10:3-5 Ōsi niha sa chōma ba lalama, ba ba wasōndrata andrō, ba tenga dali nōsi niha chōma. 4 Ba wangōnama andrō, ba wasōndrata andrō, ba tenga dali nōsi niha, noa sa abe'e, ba chō Lowalangi, ba wanoedoegō hati. 5 Madoedoegō nifachai dōdō, awō ngawalō wajawasa fefoe, solaŵo ena'ō fa'aboto ba dōdō niha Lowalangi, ba mabōbō fefoe ngawalō gera'era, ba wolo'ō chō Keriso.

Dimoteo II. - 2 Timoteo 1:7 Tenga sa Eheha sada'oeda'oe nibe'e Lowalangi chōda, no Eheha sabōlō, Eheha ba wa'omasi, Eheha ba wangonangegō nibe'enia chōda.

Mata'i'o 12:28,29 Ba na moroi chō Geheha Lowalangi, wa oefofanō mbechoe, ba noa sa'ae i'ondrasi ami banoea Lowalangi andrō. 29 Ba he wisa niha we'amōi jomo ba nomo zabōlō, ba woraboe gamagamania, na lō ihōnagō ibōbō zabōlō andrō? ba awena i'osindra'oei hadia ia ba nomonia.

Efeso 1:13 Ba da'ō gōi so ami, me no mirongo daroma li si doehoe andrō, toeria somoeso dōdō andrō, fangorifimi, ba ba da'ō te'a'aro'ō gōi ami, Eheha ba gamaboe'oela li andrō, ni'amoni'ō, me no mamati ami.

Halōwō 19:6 Ba me no itoefa hōgōra Faoelo, tangania, ba mōi chōra Geheha ni'amoni'ō, molaoe li bō'ō ira ba mama'ele'ō.

Mareko 16:15-18 Ba imane chōra: Mi'ae mitōrōi goeli danō ma'afefoe, mitoeriagō doeria somoeso dōdō andrō, midozigō niha. 16 Ha niha zamati, nibajagō idanō, da'ō zi faloecha fa'aoeri, ba mbanoea foeri, ba nitibo'ō zi lō mamati. 17 Ba da'ō dandra, si fao ba zamati andrō: Ba dōigoe lafanō mbechoe; molaoe li si bohooe ira; 18 latoejoe goelō, ba na labadoe langoe, famoenoe, ba lō te'ala ira; latoefa tangara zofōchō, ba dōhō wōchō.

1 Johane I. 1:9 Na ta'ombacha'ō horōda, ba lō farōi ia, ba no satoelō ia, fa i'efā'ō chōda horō andrō, ba fa ihaogō ita, fa iheta fefoe zi lō atoelō.

Moze II. Fanete zi Fōfōna 20:5 Bōi angaloeloe chōnia ba bōi fosoemange ia, me no Lowalangi solohoe ndra'o, ja'odo andre, Jehowa, Lowalangioe, sangoehoekoe horō ndra ama ba ndraono ba ba ma'oewoe mitooe, chōra si fatioe tōdō chōgoe,

Zinoenō 109:17 Ba no omasi ia wangelifi: ba jatoemōrō ia; ba lō ba dōdōnia howoehowoe: ba ja arōoe chōnia.

Zangoekoekoe 16:16 Ba me lō ibatobato, me iforege manō ba me ifakao ia, irege omasi manō ia mate,

Efeso 4:26 Na mofōnoe, ba bōi mifazōchi horō; bōi mi'echoegō loeo ba wōnoemi.

Roma 14:12 Tobali dozi ita tesechegō dania chō Lowalangi, i'ombacha'ō hadia ia chōnia zamōsana.

1 Johane I. 2:23 Dozi sangosilō'ōgō Ono, ba lō'ō gōi chōra Ama; sanehe Ono, ba chōnia so gōi Nama.

Johane 14:6 Imane chōnia Jesoe: Ja'odo lala, ja'odo wa'adoehoe, ja'odo wa'aoeri. Lō sondroegi Ama, na lō itōrō ndra'o.

Mata'i'o 11:28-30 Mi'aine chōgoe, dozi serege tōdō, awō zonoro, ba oefolombase ami. 29 Mihare'ō chōmi kalo mbagi andrō chōgoe ba mitōngōni chōgoe, me no sebolo tōdō ndra'o ba si lō fajawā tōdō, ba faloecha ami wolombase dōdōmi. 30 Mogoena sa kalo mbagi andrō, chōgoe, ba no aoha noro andrō chōgoe.

Gorindro II. - 2 Korindro 6:2 Noa sa imane: "No oefondrondrongo chōoe, me baŵa si sōchi, ba no oetolo'ō, me loeo wangorifi." Hiza, ija'e mbaŵa si sōchi, hiza, ija'e loeo wangorifi andrō.

Roma 10:13 "Dozi sa, ha niha ziangularōfi li tōi Zo'aja, ba ni'orifi."